




第一四五〇册

四庫全書

●上海古籍出版社

● 上海古籍出版社

本冊目次

皇清文穎(二)

清陳廷敬等奉敕編
張廷玉等奉敕續編...一

第一四五〇冊

欽定四庫全書

集部

皇清文頌卷三十三

詳校官檢討臣朱依良

主事銜臣徐以坤覆勘

覆校官中書臣田尹衡

校對官中書臣金光梯

謄錄監生臣周連元

欽定四庫全書

皇清文頌卷三十三

須

昇平頌有序

張英

欽定四庫全書

皇清文頌卷三十三

竊惟自古國家席累葉之鴻庥撫宇成之大業
承平既久類必有非常之功以蕩滌瑕穢而鎮撫
生民然後皇威遐紀壯猷莫安有泰山四維磐石
苞桑之固焉在詩有之曰薄言震之莫不震疊在
書有之曰其克詰爾戎兵以陟禹之迹方行天下
至於海表夫以成康之郵隆猶以張皇六師為大
訓載於詩書信有徵矣漢以兵力定七國文景之
業彌光尤已事之最明者哉蓋國家之有師旅征
伐猶天地之有霜雪雷霆也非霜雪則萬物燿蒸
之氣不肅非雷霆則四時堙鬱之氣不宜非師旅
征伐則亂臣賊子無所警服懲創而不敢肆故霜
雪所以開陽春也雷霆所以啓晴霽也師旅征伐

所以靖稷氣致太平也天地仁愛萬物之心與聖人仁愛萬物之心皆不得已而託之乎此者也我國家自

世祖皇帝戡定大統

皇上撫御區夏以來待藩臣之恩良渥矣處之以重鎮視之以心膂睦之以懿親極之以高爵顯秩泰之以膏腴腴祿乃物太甘則自靈獸久畜則思觸富貴極而驕悍生驕悍生而反噬起平居則怙勢席

欽定四庫全書

皇清文頤
卷三十三

寵以荼毒

朝廷遠方之赤子及下尺之一

詔則環視而起一方作俑諸方應之以盜弄

天子之戈於潢池舉平日

朝廷所付之疆土所屬之將士所簡閱之器械所養予

之金錢悉藉以抗

天子之命據固阻險伏莽跳梁是非大奮我武以芟刈而薙獮之何以昭臣子萬世之經而彰我

國家四征不庭之罰乃自始亂以來撓鉞天潢分馳禁旅虎臣四出鷹揚奮興以漸次削平迄於今八載海內蕩定昭明無纖芥根株之遺可謂威矣臣竊念身依

闕廷趨承講帷者五年簡侍近密者又四年其遠方兵威克捷之奇戰勝攻取之略戈甲組練之華折衝陵轢之勢臣雖未得而聞且見也若我

皇上八年來宵衣旰食之心則臣知之最深念赤子罹

欽定四庫全書

皇清文頤
卷三十三

於湯火急欲一旦出而登之衽席之上每復一城

一邑必

嚴諭以無擾百姓至仁也武臣進止皆恭請廟算以行萬里之外視如眉睫之間凡一經

聖慮則險者平難者易成功秦績刻日而應至神也簡

任將帥以武勇智略為經以持重寬愛為緯疇咨而舉推轂而行至慎也減膳撤懸力崇簡約以佐天下兵食之需故軍興歲久常賦不益至儉也聞

外將帥時

賜手敕申誠其有能靖寇撫民者則

灑宸翰製詩篇解御服以褒異之至厚也數年來屢避

正殿朝賀一方底定宮中必焚香親告

天

祖至敬也未明求衣昧爽聽政日昃不遑暇食夜分省

覽章奏不輟以籌畫天下至勞也捷書至必敬告

兩宮親承色笑懽聲溢於殿陛之間至孝也殲渠魁而

欽定四庫全書

皇清文頌
卷三十三

四

舍脅從逆命者誅之歸命者撫之赦過宥罪布大

誥於天下至信也天下之人但見八年之內殄滅

羣寇綏靖地方震古躋今武功若此之盛而能盡

知我

皇上深宮之中神武勝算焦心勞思如此之不易易哉

今者十月克復雲南賊渠授首十一月十三日夜

露布至

皇上時御乾清宮覽奏臣等叩頭稱賀

御榻前

天顏悅甚顧謂_臣等曰朕今日為天下萬姓喜追思逆

亂以來官民咸被荼苦更復惻然於懷_臣等謹合

詞對曰

皇上仁愛之心通於天地斯所以為萬世開太平也

聖東之一念不忘百姓者舉類此_臣因伏念古者雅頌

之作以昭德紀功周宣王平淮北而江漢興歌唐

憲宗平蔡州而淮西有頌若以方今日之功力不

欽定四庫全書

皇清文頌
卷三十三

五

足以當百之一當時之臣猶能撰述詩頌鋪揚國

美垂布金石焜耀史冊況我

國家數年中東戡閩粵西定隴蜀北平察哈南靖滇黔

奇功茂烈炳炳烺烺不可勝紀_臣職居博史載筆

左右其敢以固陋自覆而不勉綴膚臆之末班乎

謹撰頌八章曰平閩平粵平察哈平隴平蜀平滇

各指一事言之也曰泰階平歸功

廟謨也曰武功偃樂成功重休養也統名之曰昇平為

萬世無疆慶也詩曰古甫作誦穆如清風則臣滋

愧也

平閩

閩嶠峨峨閩海泱泱灘石劍立篳叢弩張狂童逆命爰阻我疆勢連長鯨濁亂海邦

王師奮武載旆皇皇東由姑蔑西經陳章如霆擊枯如髮櫻鉏繫頸以組俘於明光厦門道旄歸我帆檣一民不殲神武孔將

欽定四庫全書

皇清文頤

卷三十三

六

平粵

古稱百粵象郡羊城昔建南藩以莫東溟乃生猥踰怙勢憑陵不孝不弟為亂之萌

天戈所指游魂載驚既歸而命既抒而誠狼子反覆黃鉞斯行梟巢盡毀瘴海涵清毒潭離掃合浦珠明五嶺

烟壁南拱

神京

平察哈

北嶽為鎮東海為垠部落環衛鱗錯魚鱗中有察哈舊

我有民居我肘腋為我藩臣蠹茲負德忽煽烽塵元老

秉鉞我馬駢駢師惟一戰

命不重申殲彼強寇不返隻輪魁渠函首獻於

紫宸

太宗戡伐前烈維新

平隴

隴西涇陽俗剽民勁亂臣反戈河北咸震我師既出逐

欽定四庫全書

皇清文頤

卷三十三

七

北乘勝頓於堅城歲靡有定

帝曰元老往敷朕訓示之以威懷之以信矢不遺鉞兵不折刃崇墉夜開頻首歸命投戈而誨悔罪思順秦隴

千稞惟以歌詠

平蜀

古維西蜀國號魚鳧劍閣嶙峋雲棧崎嶇一夫扼險萬夫歎吁况峙糧糧千里沃腴賊實藉之稽我天誅將軍憑陵蠶叢坦塗既克保寧遂入成都孤雛咸殲腐鼠莫

通襲門巫峽重釐版圖德威赫赫時聽巴歛

平滇

誕惟滇寇倡亂之光據臂昆池竊踞湘川

王師萃止如雲蔽天威武捷伐聲震八埏巨兇既殄餘
燼猶燃寄命孤城析骸經平元戎奮武伐鼓淵淵鐵橋
失險滇城摧堅翦彼鯨鯢膏我戈鉞亂源禍始藁街特
懸

泰階平

欽定四庫全書

皇清文頌
卷三十三

八

六軍振旅九服來同桃林歸馬扶桑挂弓星輝雲縵嶽
朗川融休哉鴻烈誰其始終輔弼之英貔虎之雄祇受
成命謨由

聖衷智勇天錫濬哲亶聰握機鏡要神運樞中仁慈恭
儉昭格蒼穹肇萬世業定此膚功

武功偃

我有弓矢願言棄之我有戈矛載鮮藏之青澤萬物雲
行雨施譬彼根莠翦伐無遺今此良苗滋溉攸宜仰承

帝祐俯恤民疲崇文敦教返於恬熙仁風愷政決髓淪
肌

欽定四庫全書

皇清文頌
卷三十三

九

至德弘仁頌 有序

張英

稽古稱幅輶之廣曰東漸於海西被於流沙朔南暨聲教訖於四海可謂盛矣然東南以海為域西曰流沙則猶在今甘肅之境朔方亦未嘗明言所至之地三代以來歷漢唐宋元明求其王化之所及車書之所通梯航重譯之所至皆未有如我國家今日之無遠弗届者也

皇上視荒遠之人無異於畿甸之赤子凡跂行喙息者

欽定四庫全書

皇清文頌

卷三十三

十

皆欲令其生養安全而納之軌物之中盡兩間之所覆載不忍一方一人不獲其所書所謂光天之下至於海隅蒼生萬邦恭獻共為帝臣豈非聖人之心前後古今一轍哉曩時喀爾喀君長僻處遐陬雖屢通職貢未盡躬修臣節今者嚮慕德威傾心內附願列藩臣

皇上鑒彼精忱厚加存恤給地安置泰以牲畜芻粟以資其生恩至渥矣爰以康熙三十年孟夏之月

車駕親自拊循期門羽林之士雲衛景從五月初吉至於邊徼之地七旗喀爾喀君長率其衆數十萬人歸誠效命於

龍旗鸞旂之前莫不扶老挈幼稽顙流涕感頌呼籲朝見伏謁如儀

皇上育以至仁涵以至德錫宴頒賞咸從優渥

德音下明詔嘉其嚮化之誠予以世守之爵其宗族皆賜秩有差復為之申法禁布規降曉以禍福迪以幹年

欽定四庫全書

皇清文頌

卷三十三

十

俾與四十九旗同沾恩澤永遠生養猗歟盛哉

皇上之德怙冒此天地照臨並日月會合如風雲濡澤

若雨露昭明法紀如三辰之麗天底定方隅如四

維之奠地恩眷禮成羣心欣悅普天率土莫不謳

頌前史紀載罕覩斯盛臣忝居博史之班敢對揚

休美恭獻頌曰

維彼遠人雖處漠北自天覆之宜有方域罔克莫居

聖心憫惻好生之仁惟帝時則 一章

靡憚暑雨跋履山川安人是亟懷遠宜先滌其荼苦餐

以生全稽顙至止歡動八埏 二章

何以宴之旨酒維清何以錫之庭實百朋麗眉皓首扶
杖來聽

天膏所沛萬類皆榮 三章

自古仁人繼絕舉廢存其名號勿殄厥世永為北藩版

圖是隸帶礪之封爰及苗裔 四章

聖慈謁謁申令煌煌維仁是有維義是匡教以親遜爾

欽定四庫全書

皇清文頤
卷三十三

三

毋胥戕食我茅土率我典常 五章

我德既敷我武孔揚如雲如電戈甲騰驤如虎如貔駢

官蹶張

天威赫濯震肅遐荒 六章

自茲遠人保聚生息如瀚斯拯如槁斯植耕田鑿井維

帝之力錫爵分珪維

帝之德 七章

駕轉六龍雲生九陌甘雨載塗澤我疆場人和致祥敷

天悅懌盛舉永光昭於簡冊 八章

欽定四庫全書

皇清文頤
卷三十三

十一

聖武三臨絕塞蕩寇功成頌

有序

張英

皇帝承天景命臨御宇內勞

九重之宵旰謀萬姓之乂安所以撫綏而教養之者至

矣備矣蠲租之詔歲必數下史不絕書嘉惠元元
動以數百萬計積貯之令行於豐稔遍於州邑所
在有數十年之儲凡此無非為百姓計也曩時三
逆盤結為天下憂必致荼毒生民於是大奮威武
剪除而廓清之蓋

欽定四庫全書

皇清文頌

卷三十三

十四

聖人之心欲使薄海內外戴髮含齒之氓咸遂安養共

樂生成同登仁壽之風永底時雍之化深宮睿慮
之所孜孜圖維自朝至於日中昃不遑暇食者惟
在乎此也乂安中土之心切則不得不安邊徵欲
安邊徵則不得不除寇賊荒遠之區脫有梗我
王化伏莽跳梁之人則將來必益為邊患為邊患則必
調發轉輸以遠煩禁旅勞頓九州之民

聖心所以惓惓焉為國家計久遠為生民謀休息為萬

世立太平必欲蕩滌此狡寇厄魯特噶爾丹者所
以安邊塞也威遠人也實所以乂安中土也維丙
子李春

聖躬親御六飛遠度瀚海戈甲耀日旌旗蔽空風馳雲
集俯瞰賊壘如自天而下為狡寇之所不及料被
靡奔潰獸駭鳥散勁旅堵截一鼓而草薶禽獮之
賊雖遺跡荒遠而部曲盡矣牧畜空矣奄奄之息
何能久存庸衆之識似更不煩車駕之再臨王師
之久駐乃

欽定四庫全書

皇清文頌

卷三十三

十五

宸算制敵迥出尋常留將軍於塞上以因威震懷之
聖躬以丙子冬復臨邊塞渡河至鄂爾多斯之地經畫
布置丁丑春又

親至寧夏駐蹕於狼居胥山遣師搜勦

車駕逼臨彼之部曲惶駭離畔振如雷如霆之威兇渠
自褫其魄沛如雨如露之澤黨與咸貳其心所以
俘其子而來獻者彼之鄰國也遣使而輸誠納款

者彼之腹心也賊雖狡悍斯時四顧無親入地無路以膏斧之軀為飲鴆之計惟有自即殄戮爾安能出

聖謨成算之外哉總由我

皇上躬親指示奇正兼施恩威并用視絕域於掌上羅擴獸於阱中故成功若斯之盛也蓋非至明無以審機而不惑非至誠無以歷久而不倦非至斷無以成功而不疑而總歸於

欽定四庫全書

皇清文頌
卷三十三

十六

聖心之至仁視邊方為一體而不忍數罹其災也登冢宇於杜席而不忍以一事煩苦吾民也是以三臨絕域跋涉山川冒觸寒暑

親舉玉趾恒飲濁泉風雪則屏除帳殿減餐則俯同士卒揮黃鉞以先驅擐甲胄而達旦指麾形勢則極在嶽在原之勞籌畫機宜則窮九地九天之秘焦勞煩苦不可殫述

聖躬皆親歷之仁天下子萬民之心至矣蔑以加矣今

者通寇悉平荒遠無不臣之國邊烽盡息諸蕃皆樂利之年大功告成盛典斯舉以副我皇上又安中外之心成我

國家太和熙皞之化永永萬年至於無極臣竊惟聖武三臨絕塞殄寇寧民焜耀史冊上下千古無與比隆謹撰頌九章以述盛烈頌曰

維丙子春

神武丕揚組練十萬氣吞朔荒

欽定四庫全書

皇清文頌
卷三十三

十七

帝親率之沙磧騰驤鐵此契擒骨我斧斯一章

維昬臚河遠帶荒服自

天臨之泉甘草綠立覆其巢揮戈西逐萬古不磨

聖人之蹟二章

寇方奔突西遇我軍風掃雲擊孤屯披紛飽我卒伍殄厥醜羣

神謀指授者定大勲三章

維丙子冬雨雪在塗黃河曲片

鑾輅馳驅除惡務本宜絕根株時哉勿失洋洋

聖謨 四章

河流浩浩虎旅雲屯震之以武綏之以恩風馳青塚化

洽烏孫呼韓接踵稽顙

至算 五章

天與不取昔人所嗤張我精銳爐伏饑疲乘機維哲扼

要乃奇

聖人之智匪衆所窺 六章

欽定四庫全書

聖清文淵
卷三十三

六

維丁丑春經武西偏狼居胥山古史所傳

天子赫韜威暢八埏遠陋西漢勒銘無然 七章

都邑聚觀孽子成俘鵠張鉅寇一夕殄誅彼脅從者咸

輸爾孚巍功駿烈振古所無 八章

玉闕萬里靡塵不清覆載之內咸震

天聲外安中人億載功成金函玉檢永頌昇平 九章

平滇頌 有序

孫在豐

皇上聖神文武德蓋八紘功函九有薄海內外罔不暨
訖

御極二十年繼序集勳恢宏煌燿躋昇平遏亂略奄甸

海表邊潞南疆自西自東剗刈羣姦

天戈所指既翦既除惟茲滇南孽醜窺穴孤城延喘噓

息王師三十萬既集雲南城下九月辛未

詔諭諸將督趣攻拔

欽定四庫全書

聖清文淵
卷三十三

十九

睿算指授至斷至悉於是大將軍 臣 章泰 臣 賴塔等既

受方略率師奮勇登銀定山扼上游環布四面列

樹雲梯乘埤入隘矢鋒雨集礮聲雷鉤十月丁未

拔其城逆渠吳世璠自盡傳首京師獲其醜類殲

之軍中降其衆五千餘弗殺軍民悉定雲南平十

一月丁卯露布至京

午門宣捷臣民懽躍咸仰

皇上天威遐暢妙運在心坐照萬里之外瞭如目中指

諸掌上俾諸將得受成畫奏膚功肆靖八荒永清
四海成功若此之輝赫也臣稽前古漢武拓地置
郡唐崇治樊道浮船牂牁而不下王然于輦分道
四出莫能達厥後昆明習戰以為美談唐開六詔
武德貞觀間韋仁壽檢校南寧寄治越嵩顏師古
以諸州內附遂圖王會宋藝祖玉斧畫圖置大渡
以西不問蓋自二千年間英主間出於西南徼外
猶難之我

欽定四庫全書

皇清文頤
卷三十三

平

皇上神武布昭靡遠弗屆峻烈無前卓冠百王遠軼十
古已臣竊惟嚮者滇南閩粵諸土分置藩翰垂三
十年久將滋蔓

皇上睿謀神智至深且遠收其部衆

詔許乞還待以恩禮且以省供億寬民力至仁也乃滇
逆首禍自取天討播及閩粵以連誅戮

帝用赫怒大張撻伐六師四出次第削平閩寇盜弄者
三年繫頸而致之闕下平南克終臣節厥子逞狂

者伏誅兩粵草竊悉就殄滅滇逆所犯秦隴以西
楚疆以南黔蜀諸地一時叫譟大軍整旅而前逆
氛烏獸駭散賊桂先殪殲鋒鏖鏑鋸衡岳披辰沅
南定黔中跨雲梯摩劍閣西踰蜀道入以一軍略
梧桂而西長驅滇界諸軍畢會畫薄城下覆其穴
巢孽豎授首八載用兵會朝奏績天地神人篤其
慶山川河嶽效其靈昆蟲草木罔不蒙沐而被澤
猗歟盛哉

欽定四庫全書

皇清文頤
卷三十三

平

聖天子有大而謙乃曰惟

天惟

祖宗之靈實佑庇之矣告

郊廟昭事惟虔

頒詔中外湛恩霈澍車書萬國悉庭悉臣四海晏如民
用休息

帝德丕冒嘉惠元元遐陬荒溼莫不涵泳至化皞皞熙
熙摩仰懽載以蒙億萬世無疆之休永永無極臣

恭遇昌期惟忻舞蹈發於聲歌不敢以猥陋闕職
頌曰

帝德廣運撫茲萬方

天威肆靖

聖武維揚窮域極邊西南之荒四征不庭曰安曰攘風
吼虎嘯雲擁龍驤人三十萬整我戎行決策如神

九重制勝誕告師中能以衆正維師武臣咸克用命滅

此朝食一鼓而奮江摩金沙山搖銀定覆巢壓卵以莫

欽定四庫全書

皇清文頌
卷三十三

主

不順逆渠自仆刃取頭願獻誠於京懸首於衢堂惡就

殲已伏厥辜倒戈不殺歸命其蘇滇人帖然頓顙誰呼

坐籌萬里實惟

帝謨赫赫聲靈西南遠徼自古為難前史所道水戰昆

明風烟南詔畫斧披圖解貂用勞孰與神武明威並昭

一舉風清蠻天海嶠在首逆醜實違於天

帝念兆民謀其幹年坐糜餽糈莫甚於滇次之閩粵詔

可其還蔓草之圖猶其後焉奚乃逆命是惟就殲六師

及之行天之罰逆同沅湘旁燭閩粵駭豎猖狂閩天鼠

竊降走傳車以承鈇鉞維彼平南終亮其節鋤其不類

殄其不率初征滇逆於岳於衡天之明威首誅不寧既

干赫怒莫違天刑是剪是刈率湖之濱迅捷而南楚疆

以平既抵貴陽亦越武陵雲棧西連蠶叢鳥道劍閣天

開玉壘風掃拾蜀如遺偃黔猶草粵西一軍五嶺之表

惟堅是攻惟虛是擣會取滇池馬騰士飽諸軍雲合萬

旄星飛月中三捷天外重圍潛狐何窟潰蟻何歸烽消

欽定四庫全書

皇清文頌
卷三十三

主

烟滅旌旗一麾獻功

郊

廟布

詔天陸建橐甲萬邦以綏惟

帝之德誠和有衆稼穡民依車書賓貢功叙九歌道尊

三重苗以雨膏物以風動圍出騶虞郊遊麟鳳

天子萬年式歌且頌

平滇頌

有序

徐乾學

肇自

聖人首出握乾符俯坤軸函括寓縣車書混一海內無
事惟二三藩臣猶擁兵重鎮廢大司農金錢歲鉅
萬

皇上欲以脫劍建橐加之恩禮賦杖杜勞還之詩然後
輟千歸馬蠲租給復施近古未有之寬政以故

俞諸鎮之請使使宣慰皆還諸

欽定四庫全書

皇清文頤
卷三十三

五

朝嘉與祚嗣共保吉康何圖賊臣狡焉思逞滇為首逆

二隅效尤爾乃宗賢授鉞宿將建牙肅將

天威徂征厥罪

皇上親授方略分道馳神殲鬼謀渠魁自斃蟻屯蜂
聚跳梁博會之徒送款通章絡繹而至閩粵諸路
以次底平稜威遐厲掃蕩黔蜀於是黨與攜離脅
從解散惟滇遺孽負隅嬰城我

皇赫怒責攻益急令諸將分道並進焚巢踏穴殲厥醜

徒爰以康熙二十年冬十月進逼其城圍之數重

逆孽吳世璠暨偽將郭壯圖窮蹙自殺餘衆悉降
滇南以平先是

至尊進羣臣命之曰自軍興以來未忍加賦以重困元

元顧一切用權宜集事予一人繹思未有攸濟惟
欲永清者定以無宿兵於三方夙夜弗遑於茲數

稔今尚刻期戡定其所以休養斯民者罔或後時

至是捷書

欽定四庫全書

皇清文頤
卷三十三

五

聞

皇上告祭

郊壇

太廟發政施仁示天下更始湛恩渥澤與赫聲濯靈俱

遍遠邇普天率土歌咏昇平匪直嵩谷之中方吹

暖律昆明之上始消兵氣而已臣嘗巡覽載籍於

古今治忽之故察其源流本末蓋非沈幾不足以

圖功非果斷不足以集業傳曰未大必折尾大不